



O'ZBEKISTON RESPUBLIKASI XORAZM VILOYATI BOG'OT TUMANI HOKIMINING QARORI

Bog'ot shaharchasi, O'zbekiston ko'chasi, 18-uy

2020 -yil 12 - dekabr

26344 -son

Bog'ot shaharchasi

Боғот тумани “Боғистон” маҳалла фуқаролар йиғинида яшовчи Рахимова Юлдуз Искандаровнанинг Ўзбекистон Республикаси Президентининг Халқ қабулхонаси, Ишонч телефони ва Президент почтасига йўллаган мурожаатларини кўриб чиқишни тугатиш тўғрисида

Боғот тумани “Боғистон” маҳалла фуқаролар йиғинида яшовчи фуқаро Рахимова Юлдуз Искандаровнанинг Ўзбекистон Республикаси Президентининг Халқ қабулхонаси, Ишонч телефони ва Президент почтасига “Турар жойига кириб-чиқиш йўли йўқлиги масаласида” қилган мурожаатни ўрганиш жараёнида мурожаатгўй Ю.Рахимовага йўл деб кўрсатаётган ер майдони ҳозирда кўшниси Э.Якубов томонидан экин экиб фойдаланиб келаётганлиги, ушбу ер майдони шу даврда кўшнисининг 2016 йилда вафот этган мархума опаси Якубова Моможонга берилганлиги ҳамда ушбу юзасидан Боғот туманлараро судининг 2020 йил 20 октябрдаги ҳал қилув қарорини чиқарилганлиги, кўшниси Э.Якубов ушбу низоли масалага ойдинлик киритиш юзасидан Вилоят курилиш бош бошқармасига мурожаат қилиб, бошқарманинг 2020 йил 30 октябрдаги 703-сонли муносабат хатини олганлиги, шунингдек Ўзбекистон Республикаси “Шаҳарсозлик норма қоидалари”нинг ШНҚ 2.07.01.-03 VIII-боб, 155. Микротуман, (мавзе) ва даҳалар худудига кириб боришлар, шунингдек биноларга тўппа-тўғри борадиган ўтиш йўллари бир-биридан камида 300 м масофада кўзда тутилиши кераклиги белгиланганлиги, шунга асосан “Мустақиллик” кўчасидан турар жойларга туташувчи ички йўлни очишга зарурият йўқлигини маълум қиламиз.

Ўзбекистон Республикаси “Жисмоний ва юридик шахсларнинг мурожаатлари тўғрисида”ги Қонуннинг 6-моддаси, 30-моддаси, 1-қисм, 1-хатбошига асосан фуқаро Рахимова Юлдуз Искандаровна билан ёзишмалар тўхтатилганлиги ва кейинги мурожаатлари кўрмасдан тугатилганлиги ҳақида ёзма хабар қилинган бўлишига қарамасдан бир хил масала юзасидан қайта мурожаат қилиб келаётганлигини инобатга олиб Ўзбекистон Республикаси “Жисмоний ва юридик шахсларнинг мурожаатлари тўғрисида”ги Қонуннинг 27-моддаси 1-хатбошиси, 30-моддаси 2-қисм, 1-хатбошисига ҳамда Ўзбекистон Республикаси “Маҳаллий давлат ҳокимияти тўғрисида”ги Қонунининг 6-моддасига асосан


ҚАРОР ҚИЛАМАН:

1. Боғот туман ҳокимининг саноатни ривожлантириш, капитал қурилиш, коммуникациялар, коммунал хўжалик масалалари бўйича ўринбосари А.Курьязовнинг билдириш хати инобатга олинсин.

2. “Боғистон” маҳалла фуқаролар йиғинида яшовчи фуқаро Рахимова Юлдуз Искандаровнанинг йўл очиб бериш мазмунидаги кейинги мурожаатлари Ўзбекистон Республикасининг “Жисмоний ва юридик шахсларнинг мурожаатлари тўғрисида”ги Қонуннинг 30-моддаси, 2-қисм, 2-хатбошисига асосан мурожаат қилувчини бу ҳақда хабардор қилмасдан тугатилсин.

3. Мазкур қарор ижросини таъминлаш туман ҳокимининг саноатни ривожлантириш, капитал қурилиш, коммуникациялар, коммунал хўжалик масалалари бўйича ўринбосари А.Курьязов зиммасига юклатилсин.

Боғот тумани ҳокими



О.Холбоев